

Concello de San Sadurniño

Expediente núm.: 368/2024

Resolución con número e data establecidos á marxe

Procedemento: Subvencións Directas ou Nominativas

Interesado: ASOCIACIÓN CASA DO MEL

RESOLUCIÓN DE ALCALDÍA

Á vista da solicitude realizada pola entidade “Asociación Casa do mel”, con CIF G70243852 e número de rexistro de entrada 2024-E-RE-392 do 5 de maio de 2024,

Visto que o Anexo de Subvencións nominativas que acompaña ao Orzamento 2024 inclúe unha previsión de subvención de 2000,00€ para a entidade solicitante, consignados na partida 1710.48000,

Examinada a documentación presentada, vista a Ordenanza Xeral de Subvencións do Concello de San Sadurniño e de conformidade co artigo 21.1 f) e s) da Lei 7/1985, de 2 abril, Reguladora das Bases de Réxime Local,

RESOLVO

PRIMEIRO. Outorgar unha subvención directa nominativa con cargo á aplicación 3410.48000 do orzamento de gastos da Corporación para 2024 ao beneficiario “ASOCIACIÓN CASA DO MEL” pola cantidade de 2000,00€.

SEGUNDO. Formalizar a subvención no correspondente convenio, no que se detallan as obrigas e compromisos do concesionario para aplicar a subvención e xustificala, coas previsións que se sinalan como anexo á presente resolución, que terá carácter de bases reguladoras da mesma.

TERCEIRO. Notificar aos interesados o outorgamento da concesión da subvención, comunicando que o prazo para que se presente a documentación xustificativa da subvención finaliza o 30 de novembro de 2024, pudiendo solicitarse prórroga de ata un mes máis.

CUARTO. Fornecer a información sobre a concesión á Base de Datos Nacional de Subvencións.

En San Sadurniño, a data de sinatura electrónica

O alcalde,

Secundino García Casal

Ante min

A Secretaria,

Olalla Alvarez de Neyra Martínez



Concello de San Sadurniño

ANEXO – BASES REGULADORAS DA SUBVENCIÓN

PRIMEIRA.- A presente subvención nominativa ten por obxecto establecer as bases de colaboración entre o Concello de San Sadurniño e a Asociación Casa do Mel.

SEGUNDA.- Para o seguimento da subvención e dous seus fins poderá crearse unha Comisión Mixta de Seguimento, de carácter paritario, na que estarán representados, por parte do Concello de San Sadurniño o Alcalde ou concelleiro ou concelleira en quen delegue, e por parte da entidade beneficiaria, a persoa que ocupe a súa presidencia.

As funcións desta comisión concretaranse en:

Facer un seguimento do cumprimento do indicado nas cláusulas da subvención.

Revisar os acordos actuais e dar o visto e prace ás adendas que puidesen sumarse á subvención.

Representar os intereses do Concello de San Sadurniño e da entidade beneficiaria relativos ao contido desta subvención ante as institucións públicas ou privadas coas que sexa preciso relacionarse para a consecución dos obxectivos.

Formular cantas propostas sexan necesarias para enriquecer e mellorar o obxecto da subvención.

TERCEIRA.- Poderá crearse unha Comisión Técnica de Traballo, tamén paritaria, que será designada pola Comisión de Seguimento. Esta comisión terá as seguintes funcións:

Coordinar tecnicamente as accións que se van desenvolver para dar cumprimento aos fins da subvención.

Elevar cantas propostas técnicas sexan necesarias á Comisión mixta de seguimento para enriquecer e mellorar o obxecto da subvención.

CUARTA.- O Concello de San Sadurniño comprométese a:

Permitir á Asociación Casa do Mel, mercé á autorización que a tal efecto ten realizado a AGFA do Eume, o acceso de maneira gratuíta ás instalacións da Horta de Conservación e demostración das froiteiras autóctonas “Carlos Fornos”, onde está situado o Colmear didáctico municipal.

Asemade, permitiráselle á asociación o uso do colmear e do material existente.

QUINTA.- Á vista de que este Concello ten entre os seus obxetivos “traballar para desenvolver sistemas alimentarios sostibles, inclusivos, resilientes, seguros e diversificados, para asegurar comida sa e accesible a todos nun marco de acción baseado nos dereitos, co fin de reducir os desperdicios de alimentos e preservar a biodiversidade e, ao mesmo tempo, mitigar e adaptarse para os efectos dos cambios climáticos”.

Para dar resposta a esta necesidade é preciso subvencionar a actividade da Asociación Casa do Mel como medio de consecución dos obxectivos indicados, toda vez que o Concello de San Sadurniño carece de medios persoais e materiais suficientes para unha actuación equivalente.

SEXTA.- O crédito orzamentario ao que se imputa o gasto é a partida 1710.48000, por importe de



Concello de San Sadurniño

2000,00€, segundo a previsión contida no anexo de subvencións do Orzamento Municipal 2024 de San Sadurniño, sendo beneficiario da mesma a ASOCIACIÓN CASA DO MEL.

SÉTIMA.- As actividades a desenvolver pola entidade beneficiaria son:

- Asumir os traballos necesarios de mantemento do colmeir durante a vixencia da cesión e uso, incluíndo a colocación de trampas con atraentes para a Vespa velutina e reposición de abellas con núcleos e láminas de cera.
- Adquirir o material necesario para a reposición dos elementos deteriorados polo seu uso para a utilización no colmeir.
- Contratar un seguro para as colmeas.
- Instalar unha exposición apícola didáctica na Feira Rural e realización de visitas guiadas programadas, así como a colaboración nas actividades relacionadas coa posta en valor do colmeir didáctico.
- Colaborar co Concello na organización e celebración de xornadas de apicultura.
- Organización dun curso de apicultura, gratuíto para veciños e veciñas de San Sadurniño e socios da Casa do mel.
- Estructurar e coordinar as visitas guiadas que terceiras persoas realicen ao colmeir didáctico.
- Comunicar nun prazo de 10 días, á AGFA e ao Concello de San Sadurniño das actividades que pretenda realizar no apiario.
- Colaborar co Concello na organización e celebración das xornadas de apicultura que se consideren oportunas entre as partes.
- A estes efectos, o obxecto da subvención virá dado pola colaboración económica por parte do Concello de San Sadurniño no desenvolvemento pola Asociación Casa do Mel das actividades indicadas no termo municipal de San Sadurniño.

OITAVA.- A execución das actividades deberá realizarse ao longo do exercicio 2024, sendo subvencionables os gastos correntes relativos ao obxecto da subvención que de maneira indubitada respondan a natureza da actividade mencionada e sexan efectuados e aboados dentro do ano natural.

O outorgamento dos contratos de servizos, asistencia ou subministros necesarios para a execución da actividade corresponderalle á entidade beneficiaria. Non se poderá contratar a realización de prestacións con persoas ou entidades vinculadas á entidade beneficiaria, nin con calquera outra na que concorra algunha das circunstancias ás que se refire o artigo 29.7 da Lei 38/2003, de 17 de novembro, xeral de subvencións.

Co fin de garantir un axeitado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia de data de pago e da identidade do perceptor.

NOVENA.- As obrigas da entidade beneficiaria serán as establecidas no artigo 11 da Lei 9/2007, de 13 de xuño, de Subvencións de Galicia, e nomeadamente as seguintes:

- Desenvolver a actividade subvencionable durante o ano 2024.



Concello de San Sadurniño

- Dar publicidade do financiamento deste Concello en calquera medio escrito, radiofónico, audiovisual ou de internet en que se publiciten as actividades da entidade, mediante a inserción da imaxe visual do Concello (imago tipo e logotipo) en toda a cartelaría, folletos e publicidade en xeral que sexan editados con ocasión do desenvolvemento de actos deportivos (Regulamento de imaxe visual corporativa do Concello, publicado no BOP nº 99 do 27/05/2013)
- A entidade fará uso tamén do logotipo do Xeoparque do Cabo Ortegal, do que o Concello de San Sadurniño forma parte, no material divulgativo que edite, toda vez que o mesmo pode ser beneficioso directa e indirectamente para a Asociación.
- Cumplir cos compromisos sobre uso da lingua galega e promoción da igualdade e a inclusión; en concreto, nas súas comunicacións e publicidade a entidade beneficiaria comprométese ao uso da lingua galega, á utilización da linguaxe inclusiva non sexista e a empregar imaxes que promovan os valores da inclusión e da igualdade.
- A entidade beneficiaria comprométese a sumarse ás campañas desenvolvidas por parte do Concello de San Sadurniño en relación á promoción da igualdade e prevención da violencia de xénero.

DÉCIMA.- A subvención do Concello de San Sadurniño é compatible coa percepción doutras subvencións ou axudas públicas ou privadas, que a entidade beneficiaria obteña para a mesma finalidade, sempre que o seu importe, conxuntamente co da subvención municipal, non supere en ningún caso o importe total do gasto efectivamente xustificado.

A xustificación dun importe inferior determinará a redución proporcional da achega municipal.

DÉCIMA PRIMEIRA.- O importe da subvención aboarse con cargo aos créditos que figuran no orzamento de gastos, aplicación orzamentaria 2024/1710.48000, destinados a tal fin.

O pagamento realizarase consonte os seguintes parámetros:

- 75% do importe da axuda (1.500,00 euros) aboarse tras a sinatura do presente convenio.
- O importe restante (500,00 euros) farase efectivo tras a presentación da seguinte documentación xustificativa por medios telemáticos:
 1. Memoria declarativa das actividades realizadas financiadas coa subvención con desglose de gastos e o seu custo.
 2. Relación de facturas ou documentos de igual valor probatorio no tráfico mercantil dos gastos realizados xunto cos orixinais ou copias cotexadas das mesmas e os xustificantes de pago dos mesmos (poderán achegarse copias simples, e o Concello resérvase a posibilidade de solicitar a exhibición dos orixinais).
 3. Certificación ou declaración de terse realizado o obxecto da subvención.
 4. Memoria explicativa da actividade xunto con xustificación documental onde conste o cumprimento das obrigas da cláusula Novena (recortes de prensa, programas de man, fotografías,...).
 5. Relación detallada e certificación das cantidades obtidas por subvención ou axuda de outras entidades.
 6. Acreditación do cumprimento das obrigas tributarias e coa Seguridade Social,



Concello de San Sadurniño

certificada cunha antigüidade máxima de 10 días respecto da data de presentación da conta xustificativa.

As memorias declarativa e explicativa poderán presentarse nun só documento segundo modelo normalizado.

DÉCIMO SEGUNDA.- O prazo para que se presente a documentación xustificativa da subvención finaliza o 30 de novembro de 2024, pudiendo solicitarse prórroga de ata un mes máis.

DÉCIMO TERCEIRA.- O incumprimento dalgunha das cláusulas previstas no presente convenio de colaboración poderá levar aparellada a obriga de reintegro parcial ou total dos fondos recibidos, así como o pago dos xuros de demora que se xeren o día no que se realizou o pagamento ata o momento no que se acorde a procedencia do reintegro.

DÉCIMO CUARTA.- O réxime xurídico aplicable será o establecido nesta resolución, na Ordenanza Xeral de subvencións, na Lei 9/2007, de 13 de xuño, de subvencións de Galicia, no Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de subvencións de Galicia, así como na Lei 38/2003, de 17 de novembro, Xeneral de Subvencións e na súa normativa de desenvolvemento.

DOCUMENTO ASINADO ELECTRONICAMENTE

